

U mërëcànë chë z'annammurattë dë la morta

Primë dë la 'uërra, nu giovënë dë nu paesë cummë fussë Gildónë o San Giuannë, ch'ëva rëmënutë da la Mërëca, z' accattattë la machëna e tuttë lë sérë mënija a Campuaššë a trovà l'amicë.

Succërëttë ca na séra, mèntrë z'arrëtëravë a u paesë suo', arrevatë a u bivië addò štëa la taverna pë San Giuannë, vërëttë na bèlla figlióla chë lë fa ségnë dë fërmarzë. U giovënë zë fërmë e la fa saglì 'ncoppë.

Chëšta ëva avëramëntë na bèlla giovëna, tènëa lë capillë biondë e l'uocchië nirë. U giovënë subbëtë zë në 'nammurattë e ncumenzattë a 'ttaccà bëttonë.

Arrëvatë chë furënë primë dë la curva d'u cëmëtëré, la 'uagliona dicë: " fërmëtë ca i' scëgnë qua, so' arrëvata".

U giovënë zë fërmë e prima dë farla scëgnë l'addummannë së la po' rëvëré la séra appriëssë ca issë zë n'è 'nammuratë.

La 'uagliona responnë 'é sì e zë salutannë, sënza darzë n'appuntamëntë prëcisë.

La séra appriëssë 'štu giovënë turnattë a Campuaššë e raccuntattë u fattë a l'amicë suo', e addummannattë së cacchërunë la canuscëa, ma tuttë quantë rëspunnënnë ca cë në štëa una sola ca rëspunnëa a lë cunnutatë chë issë avëa ràtë, ma chëssa 'ncë štëa chiù, ca éva morta.

'Stu giovënë rëmanëttë nu pochë suspëttusë, ma nën zë facëa capacë...

Arrëvatë l'ora, la štëssa dë la sera prima, u giovënë z'avviattë....ma appena arrëvatë a la taverna pë San Giuannë vërëttë ca la 'uagliona l'aspëttavë. Allora pënzattë ca l'amicë l'avëanë fattë nu schërzë o l'avëanë scagnata kë n'auta.

Zë fërmattë, la facëttë saglì e 'ncumënzattë a parlarlë dë l'intenziona sua, po' a la finë pë farla rirrë l'arracconta chëllë ca évënë rittë l'amicë suo': ca dë fëmmënë bèllë chë sumigliavënë a éssa, cë n'ëva štata una sola, ma éva morta.

Sëntënnë u fattë la 'uagliona nnë rërëttë, ma abbuzzattë appena nu zinnë dë comprënzionë.

Intantë, parlannë parlannë, évënë arrëvatë a la curva d'u cëmëtëré. U giovënë zë fërma e va ca lë vo' piglià la manë pë salutarla e z'accorgë ca chëssa è sparita.

Guarda la porta pë vëré së z'ëva mënàtë abbasçë da la machëna sënza ca issë zë në fussë accortë e la machëna éva chiusa.

Allóra pënzattë subbëtë a la uagliona morta, zë sbauttëttë tantë ca zë lë facënnë tuttë lë capillë ghianchë.

U juornë dopë, jëttë a u cëmëtëré 'e Campuaššë e vërëttë mbaccë a na làpëda la fotografia dë 'lla giovëna.

U pùuriëlle rëmanëttë 'e štucchë e 'ncumënzattë a tremà sanë sanë; tantë trëmavë ca zë lë facënnë purë lë baffë ghianchë.

Zë fëssattë tantë, ca doppe nu pochë zë në jëttë 'é capë e murëttë.